

## PLOANIES SAN MARTIN Y LUNGIARÜ

Le Sorvisc ai Jogn Val Badia mêt a jî "Dis de preparaziun al maridê" dala sabeda, 23 d'aurî, ala domënia, 24 d'aurî 2022, cun chësc program:

Sabeda, 23 d'aurî 09.00 - 12.30 dr. Lois Kastlunger (coordinadú)  
12.30 - 14.00 marëna  
14.00 - 17.00 siur Markus Moling (prou)  
Domënia, 24 d'aurî 09.00 - 10.45 Elena Sorarú (efom y consulënta)  
11.00 - 13.00 dr. Christian Pedevilla (avocat)  
13.00 - 14.30 marëna  
14.30 - 16.00 dr. Lois Kastlunger (coordinadú)

Le curs é por ladin. Le curs é limitê a 12 pers. I Ves periun da ves prenoté tl Sorvisc ai jogn Val Badia (0474-523070 / info@jogn.org) cina le mercui, ai 13 d'aurî. Le cost é de € 180 a per (curs + 2 iadi marëna).

## PLOANIA SAN MARTIN

Incö domënia, ai 20 de forá, presentunse cun ligrëza i mituns y les mitans che jará ala Pröma Comuniun la domënia di 8 de ma y che é tl laur da se arjigné ca ala festa: Jacopo Gadda, Matthias Kastlunger, Nicola Orlando, Jenni Pedevilla, Alia Pezzei, Anna Planatscher, Jana Taibon, Elias Verginer, Pooja Verginer, Alex Videsott y Greta Zingerle.

A d'ëi y a sües families ti audunse na buna preparaziun.



*Le polizist de comun nen tēgn sō un che vēgn adalerch cun la roda. Al tira fora le bloch dales stranfunghes y mēt man da ti contesté ch'al n'á degōna lōm dant y gnanca iadedō, che i arferadus é limá jō y n'arfera nia, ch'al á massa pūcia aria ti montli y spo ince ciámō ch'al n'á degōna bronsina y i.i. Canche chēl pūre ziclist vēiga che le polizist ne la zed nia y ch'al nen passa un apé ia delá da strada dijel: Prēibel, tolede mo chēl a cunt, chēl n'á pa gnanca na roda ne.*

*N iat stá dan da n büsc a apassené na sorücia y odon do trēi dis che la sorücia ne vēgn nia fora de büsc, mētel man da laidré "Bu, bu, bu!" La sorücia se pēnsa: Comá s'un é le iat dessigū sciampé dal cian y s'infida finalmēnter fora de büsc. Le iat tira n salt y s'la mangia. Co aste pa fat da abiné chē sorücia? le damana n ater iat che é dēr rové al'arjunta. Oh, zēnza savēi da baié deplū lingac n'aste incō plū degōna chance.*

*Te n restaurant pro na mēsa él na ēra nia sora cun n pope te gratorin. Do ch'ara á rové la jopa, passa na sciora, ti ciara y la damana: Aspetēise le secundo? – Nou, i aspeti do le dessert!*



## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun anton.gasser@rolmail.net - 348 27 44 517 / 0474 523 194

[www.valbadiaonline.it/comunite](http://www.valbadiaonline.it/comunite)

**20.02. - 27.02.22 nr. 13**

ultimo termo por comunicaziuns: jöbia, dales 20.00

## 7<sup>a</sup> DOMÈNIA IA POR L'ANN - C

### Vangele do Lūca 6, 27-38

Te chël tēmp ti à Gejù dit a sū discepui: A os, ch'i m'ascutēis pro, ves diji: Oredi bun a üsc nemisc; fajedi de bëgn a chi che ves à le sēnn.

Benedide chi che ves maledësc; periede por chi che ves maltrata.

A chël che te bat sōn òna na massēdla tēgni incē ia l'atra, .....


Ći ch'i ves aspetēis da d'atri, chël fajedi incē os a d'ëi.

Sc'i ti orēis mât bun a chi che ves ô bun, ċi mirit se fajēise pa? ....

Sēise misericordiusc, sciöche osc Pere é misericordiusc!

No iudichede, ..... No condanede, .....

Pordenesse, .... Dede, spo ves gnaral dē incē a os. Na bona mosōra, plēna, colma, suraciariada, ves gnaral jutē tl gremo; deache cun la mosōra, cun chēra che os mosorēis, ves gnaral mosoré fora incē a os.



Gejù ampliēia le comandamēt dl amur radicalmēnter:

chësc amur ne pó nia s'architē dan dai nemisc.

L'amur infiní de Dî ó se respidlē tl amur danter la jēnt:

m'oje demez da me, ch'i n'ó nia d'ater co mi vantaje, y m'oje tl vers de Dî y dla jēnt.

Nia iō ne dessi ester tl zēnter, mo Chël Bel Dî che é presēt indlunch y te vignun.

Por se lascé ia se instēsc y se lascé ite ti atri messunse i ascutē sō y i capí.

Chësc vangele mēt pō man cun les parores „A os, ch'i m'ascutēis pro, ves diji...”

Zēnza ascutē ci che Gejù nes mēt a cōr, n'él nia meso da capí so insegnamēt y da descürí so amur. Instēsc se ciafunse pormó sc'i ciafun ldí y i atri.

L'amur a Chël Bel Dî y l'amur ai atri é ti vangeli lié dēr toch adöm.

Sc'i orun savēi coche nosc raport cun Chël Bel Dî é,

messen se confronté cun nosc raport cun i atri.

I ó perié le Spirit Sant, ch'al me dēides da me delibré da me instēs.

Al me dēides da ascutē les parores de Gejù plēnes de vita

ch'ares me trasformēies, por che le dēr amur devēntes vēi te me. W.H.

| EDEMA                                                                          | SAN MARTIN                                                                                                                                                                                                                  | LUNGIARÜ                                                                                                                                                  |  <p><b>Can vëgn pa le pan y le vin sön alté sacramënt?</b></p> <p>Bele denant co jì sò da d'alté a presenté nosta oferta nes dij Gejù: Sc'al te toma ite che to fre á val' cuntra te, lascia túa oferta dailó dan alté; vá naota a fà a òna cun to fre, spo ví a ofrí túa scincunda. (<i>Matí 5,23-24</i>)</p> <p>Gejù nes invièia da rumpí le pan y da le partí en so recort. (<i>1 Corinc 11,24</i>)</p> <p>Iò sun le pan dla vita nes dij Gejù tl vangele do San Jan. (Jan 6, 48)</p> <p>Al ó ch'i junse pormez a súa mësà da fredesc y sorus y ch'i partiunse ince le pan da fredesc y sorus. Y al ó ch'i le fajunse en so recort.</p> <p>Se recordé de Gejù ó di se recordé de ci che ti stò a cör.</p> <p>Tl vangele da incò aldiunse propi la pert zentrala dla noela de Gejù:</p> <p>Oredi bun a üsc nemisc; fajedi de bëgn a chi che ves à le sënn. Benedide chi che ves maledësc; periede por chi che ves maltrata.... Sëise misericordiusc, sciöche osc Pere é misericordius! No iudichede ..... No condanede ..... Pordenesse .... Dede zënza mosoré ....</p> <p>Sc'i viun insciö, tignunse vi so recort, sc'i viun insciö nes dá súa parora y so pan la vita, sc'i viun insciö ti desmostrunse a Chël Bel Dî nosc amur y ël sará ví inanter nos.</p> |
|--------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>20.02.22</b><br><b>7<sup>a</sup> DOMËNIA - Ann C</b>                        | <b>9.00 Corona</b><br><b>9.30 Gran Messa por la Comunité y presentaziun di mituns y mitans che vá ala pröma comunium</b><br>dl ann + Hannele Pedevilla Trebo<br>dl ann + Lena Costabiei Moling<br>+ + Tone y Monica Tolpeit | <b>7.50 Corona</b><br><b>8.15 Gran Mëssa por la Comunité</b><br>+ siur Fonjo Clara                                                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>21.02.22</b><br><b>Lönesc</b> Pire Damiani, German                          |                                                                                                                                                                                                                             |                                                                                                                                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>22.02.22</b><br><b>Dedolönesc</b> Catedra de San Pire, Margarita da Cortona | <b>19.00 Mëssa</b><br>dl ann + Maria Tavella Vanzi<br>+ + Dolfo y Fonjo Unterweger (dl ann)                                                                                                                                 |                                                                                                                                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>23.02.22</b><br><b>Dedemesaledema</b><br>Policarp, Otto, Romana             |                                                                                                                                                                                                                             | <b>7.30 Mëssa</b><br>+ + Lydia y Maria Clara<br>+ Flavia Costa                                                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>24.02.22</b><br><b>Jöbia grassa</b><br>San Matia apostul, Ida               | <b>7.30 Mëssa</b><br>+ + Milio y Tile Castlunger<br>+ Maria Huber Mitterutzner, Porsenú<br><b>Corona por vocaziu ns</b>                                                                                                     |                                                                                                                                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>25.02.22</b><br><b>Vëndres</b><br>Walburga, Adeltrude                       | <b>18.30 Adoraziun chîta</b><br><b>19.00 Adoraziun deboriada</b>                                                                                                                                                            | <b>7.30 Mëssa</b><br>+ + Giovanni y Sabina Clara<br>geniturs def. de fam. Eugenio y Teresa Maieron                                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>26.02.22</b><br><b>Sabeda</b><br>Durich, Matilda                            | <b>19.30 Mëssa prefestia</b><br>de renger. fam. Claudio Moling<br>dl ann + Clara Sorá<br>dl ann + Rita Costabiei<br>+ Carlo Clement (dl ann)                                                                                | <b>18.00 Mëssa prefestia</b><br>por les families de Albina Pezzei<br>aniv. + Roslinda Deiaco Clara<br>aniv. + Florino Mischi<br>dl ann + Celestina Turati |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>27.02.22</b><br><b>8<sup>a</sup> DOMËNIA - Ann C</b>                        | <b>9.00 Corona</b><br><b>9.30 Gran Messa por la Comunité</b><br>por fam. de Franca y Ivan Sorá<br>+ + Zingerle, Ghejenara<br>por les Püres Animes                                                                           | <b>7.50 Corona</b><br><b>8.15 Gran Mëssa por la Comunité cun presentaziun di neocomunicanc</b>                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |